

FUNDARGERÐ FÉLAGSMÁLARÁÐS HÚNAÞINGS VESTRA

166. fundur félagsmálaráðs, haldinn miðvikudaginn 16. desember 2015 kl. 10.00 í fundarsal Ráðhússins.

Fundinn sátu:

Marianna Eva Ragnarsdóttir varaformaður, Sigríður Elva Ársælsdóttir aðalmaður og Þórunn Helga Þorvaldsdóttir varamaður. Sigrún Birna Gunnarsdóttir, Guðmundur Haukur Sigurðarson og P. Karl Eggertsson boðuðu forföll.

Fundarritari: Esther Hermannsdóttir

Dagskrá:

1. Lagðar fram afgreiðslur fjölskyldusviðs frá síðasta fundi.
2. Kynning á ákvörðun um fjárhagsaðstoð skv. 26. gr. reglna um fjárhagsaðstoð hjá Húnaþingi vestra.
3. Afgreiðsla máls skv. 3. lið 262. fundar sveitarstjórnar Húnaþings vestra frá 26. nóv. sl.
4. Önnur mál.

Afgreiðslur:

1. Lagðar fram afgreiðslur fjölskyldusviðs frá síðasta fundi, sjá trúnaðarbók.
2. Kynning á ákvörðun um fjárhagsaðstoð skv. 26. gr. reglna um fjárhagsaðstoð hjá Húnaþingi vestra, sjá trúnaðarbók.
3. Að tilmælum sveitarstjórnar frá fundi sveitarstjórnar þann 26. nóvember sl. er tekið fyrir á ný beiðni Rakelar Jönu Arnfjörð, dags. 9. nóvember sl., þar sem óskað er eftir endurupptöku ákvörðunar fjölskyldusviðs Húnaþings Vestra, frá 13. október sl., þar sem synjað var umsókn umsækjanda um húsaleigubætur. Jafnframt lagt fram bréf Sigrúnar Birnu Gunnarsdóttur, dags. 24. nóvember sl.

Með vísan til 25. gr. stjórnsýslulaga nr. 37 frá 1993 er ákvörðun félagsmálanefndar, frá 165. fundi nefndarinnar afturkölluð og málið tekið til afgreiðslu nefndarinnar.

Umsækjandi leigir herbergi í fasteign ásamt fleiri einstaklingum en í 3. mgr. 7. gr. laga um húsaleigubætur nr. 138/1997 er kveðið á um að húsaleigubætur greiðist ekki vegna leigu á einstaklingsherbergjum eða ef eldhús eða snyrting er sameiginleg fleirum. Í auglýsingu vegna viðauka við húsaleigubætur er tekið fram að eitt þeirra skilyrða sem þurfi að vera uppfyllt svo umsækjandi eigi rétt á auknum húsaleigubótum sé að

nemandi hafi sótt um herbergi á heimavist en umsókn hafi verið hafnað. Umsækjandi sótti ekki um herbergi á heimavist, en fyrir liggur að herbergi eru þar í boði.

Umsækjandi hefur ekki leitast við að sýna fram á að henni hefði verið hafnað um herbergi á heimavist hefði hún sótt um. Umsækjandi fullnægir því hvorki skilyrðum laga um húsaleigubætur nr. 138/1997 til þess að eiga rétt á húsaleigubótum né skilyrðum sem fram koma í auglýsingu um viðauka við reglur um húsaleigubætur.

Félagsmálaráð hafnar því jafnframt að brotin hafi verið leiðbeiningarskylda við meðferð málsins hjá sveitarfélaginu sökum þess að birting eða annars konar kynning hafi verið ófullnægjandi. Engin lög mæla fyrir um birtingu þess háttar auglýsinga sem um er fjallað í málinu. Um birtingarmáta fer því eftir venju á þeim stað sem um ræðir. Auglýsingin var birt í 8. tbl. 30. árgangs Sjónaukans, en blaðinu er dreift inn á öll heimili sveitarfélagsins. Auglýsingar og annars konar tilkynningar frá sveitarfélaginu eru jafnan birtar í Sjónaukanum og var því um hefðbundna birtingu að ræða.

Með vísan til framangreinds hafnar félagsmálaráð umsókn Rakelar Jönu Arnfjörð um húsaleigubætur.

4. Fleira ekki tekið fyrir.

Fundargerð upplesin og fundi slitið kl: 11:21

Marianna Eva Ragnarsdóttir

Sigríður Elva Ársælsdóttir

Þórunn Helga Þorvaldsdóttir

Esther Hermannsdóttir